



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 5. Quid sit motus localis. Et quotuplex.

[urn:nbn:de:hbz:466:1-76990](#)

56 *sas veritates esse re ipsa à diversitate spatiorum A. & B inclusorum in illis.*

Hinc facilimè sedat solutio argumenti facti, atque confirmationis eius. Dicimus enim, dum per vocationem intrinsecè indivisibilem, & sibi inhärentem vbiatur Angelus in spatio diuisibili, quod sunt partes talis spatiij diversæ inter se, tot veritates actualis vocationis Angeli resultare similiter inter se diversas. Quæ totidem sunt semiextrinseca denominationes prouenientes eidem vocationi inhärenti Angelo à dicitis partibus spatiij. Quo fit, vt, licet sit verum, talem vocationem, prout est in parte spatiij A, non figere Angelum parti B; falso tamen sit, deesse tali vocationi prout in parte A aliquod prædicatum intrinsecum, atque adeò non habere ibi totam suam essentiam; solum namque deest illi prout in parte A semiextrinsecum prædicatum figendi Angelum parti B, ex defectu scilicet ipsius B, quæ non est in A. Quo cœlesti omnis contradic̄tio per argumentum, eiusque confirmationem illata, vt patet.

57 Hinc etiam appareat, quomodo Deus per suam intrinsecam immensitatem, prorsusque indistinctam tam virtualiter, quam formaliter possit fieri, de factoque fiat præsens infinitus partibus totius spatiij localis; quin deest ei in aliqua earum aliquod prædicatum intrinsecum; tametsi prout in earum singulis non sit præsens in reliquis, defectu scilicet dumtaxat ipsarum reliquarum sibi prorsus extrinseco; vt latius exponemus infra disputa. 6.

58 Secundò ex eodem Carleton sic obisci potest. Vocatione indivisibilis in secundo sua durationis instanti figens Angelum aliqui spatio locali, cui in primo instanti non figurebat, planè est impossibilis, non ob aliam rationem, nisi quia in primo sua durationis instanti asset sine sua integrâ essentiâ; quod est chymicum: quia esset sine prædicato sibi essentiali figendi Angelum tali spatio. Sed vocatione indivisibilis figens Angelum duobus spatijs, pariter in quoouis eorum esset sine sua integrâ essentiâ; quia in quoouis eorum esset sine prædicato sibi essentiali figendi Angelum in altero: nec minus chymicum est, esse quidam sine integrâ essentiâ suâ in aliquo loco, quam in aliquo tempore, vt constat. Igitur vocatione indivisibilis figens Angelum duobus spatijs, impossibilis etiam est.

59 Respondeo, vocationem, de qua in antecedenti, bifariam posse excogitari. Primo, vt talis essentiâ sit, quæ, supposito dumtaxat tali spatio locali, in quounque tempore existat, non possit non reddere Angelum ipsi spatio præsentem. Secundò, vt talis essentiâ sit, quæ ad reddendum Angelum tali spatio præsentem non, solum exposcat consortium talis spatiij, sed insuper talis determinati temporis. Et si vocatione quidam sit primi generis, chymicum erit, quod in primo sua durationis instanti non reddat Angelum tali spatio præsentem, & reddat in secundo. Quia in utroque sunt omnia fundamenta talis denominationis, atque adeò tota realis essentia eius. Chymicumque est, dari in aliquo instanti temporis totam denominationis essentiam sine denominatione ipsa, vt constat. Si vero vocatione sit secundi generis, bene poterit reddere Angelum in secundo sua durationis instanti præsentem spatio, cui non reddebat præsentem in primo. Quia, coneccedat secundum instans, non adsunt omnia fundamenta talis denominationis, utpote

quorum unum, vt ponimus, est instans ipsum. Puto autem utramque vocationis essentiam esse possibilem; quia in neutrâ appetit contradictione. Utque secunda potest in primo sua durationis instanti non figere Angelum spatio, cui fugit in secundo, quin deest ei in primo aliquod prædicatum intrinsecum, sed ex defectu dumtaxat ipsius instantis secundi; ita vocatione indivisibilis figens Angelum duobus spatijs, potest in quolibet eorum non figere Angelum alteri, quin deest ei aliquod prædicatum intrinsecum, sed ex defectu dumtaxat ipsius alterius. Ex quibus patet, per argumentum oppositum nihil probari contrarios. Alia autem argumenta, qua pro se adiungit Carleton facilimè poterunt ab unoquoque per doctrinam traditam dilui; ob id ea omittimus,

Quod si vocatione indivisibilis ex parte spatiij, & illud nihilominus per sui replicationem, siue repetitionem replens possibilis est; potiore iure erit possibilis vocatione indivisibilis ex parte subiecti divisiibilis, & omnes eius partes nihilominus per sui repetitionem afficiens. Ut satis ex dicitis est notum. Vnde manifestè consequitur, omnes species vocationis à n. 46. recentitas possibilis esse.

QVAESTIO V.

Quid sit motus localis. Et quotuplex.

Pro resolutione suppono primò, actionem dici generatim eum aqum, quo causa efficiens caufat, seu producit effectum. Vnde actio in genere idem est quod causatio, seu causalitas, qua causa efficiens caufat, seu producit effectum: atque adeò etiam productio dicitur.

Suppono secundò ex sententia communi, actionem de facto plerunque saltem esse aqum, medium inter causam efficiensem, & eius effectum realiter ab utroque distinctum, utque adeò reipsa formalem, physicę ex conceptu suo tangentem utrumque. Quoties enim effectus indifferens est, vt fiat ab hoc agente, vel ab alio, aut fiat hoc, vel alio modo, tunc non potest non effectus distinguere realiter ab actione qua fit. Similiterque quoires agens est indifferens, vt faciat, vel non faciat talē effectum, aut faciat hoc, vel alio modo, tunc non potest non agens distinguere realiter ab actione, qua facit illum. Et quoniam plerunque saltem, ne dicam semper, dantur indifferentes ista de facto in efficientibus, quæ faciunt, & in effectibus, qui sunt: idcirco dicimus, de facto plerunque saltem actionem esse, actum medium inter efficiens, & effectum realiter ab utroque distinctum. Tametsi de possibili non repugnet actio identificata realiter aut cum solo effectu, aut cum solo efficiente, aut cum utroque, ut probamus suo loco.

Suppono tertio, actionem aliam esse creatiū, quæ creatio dicitur; aliam eductiū, quæ dicitur eductio. Creatio est actio, sive produc̄tio rei ex nihilo, hoc est, ex non præsapposita materia, sive subiecto: talis est actio qua Deus producit Angelum, & qua producit animam rationalem. Eductio autem est actio, sive produc̄tio rei ex præsupposita materia, sive subiecto: cuiusmodi est ea, qua ignis ex ligno facit alium ignem; & ea, qua sol in aere, alijsque corporibus

bus producit lumen. Vnde per educationem non solum agens agit effectum, sed subiectum, in quo illum agit, recipit, seu patitur illum; quo iure passum dicitur. Atque adeo educatio duplificem in se actionem involuit; alium, quo agens agit in passo effectum, & dicitur actio; alium, quo passum recipit, seu patitur ab agente eundem effectum, & dicitur passio.

64 Suppono quartum ex sententia communij, actionem educitiuam, & passiuam idem omnino esse realiter; tametsi per rationem nostram inter se distinguantur. Per eamdem enim realitatem, quia agens agit in passo effectum, fit ab agente effectus in passo, ut constat: fieri autem ab agente effectum in passo, & recipi effectum in passo, idem omnino est. At recipi effectum in passo, passumque effectum in se recipere, similius est idem, ut etiam constat. Ergo de primo ad ultimum, agens effectum agere in passo, & passum effectum in se ab agente recipere, eadem realitas est. Actioque subinde educitiua, & passio realiter idem omnino sunt.

65 Suppono quintum, actionem educitiuam aliam esse trahentem; aliam immanentem. Transiens dicitur, quia recipitur in subiecto diuerso ab agente, ut, quia ignis producit in ligno calorem, immanens vero, quia in ipso agente recipitur, ut, quia intellectus in se producit intentionem.

66 Suppono sextum, actionem aliam esse primò productivam; qua scilicet effectus in primo instanti, quo exilere incipit, accipit suum esse ab agente; aliam conseruatiuam; media quam pro toto tempore subsequente post primum instanti effectus ab agente conservatur. Sæpe autem evenit, in actio primò productiva, & conseruativa sint ab eodem agente: sæpe etiam, ut sint à dueris, ut cunctis est notum.

67 Suppono septimum, Arist. lib. 3. Physic. tres definitiones motus exhibuisse. Primam cap. 2. text. 6. nempe, Motus est actus eius, quod in potentia est, quatenus tale est. Sive ut vulgo effertur, Motus est actus entis in potentia, prout in potentia. Secundam text. 16. in hunc modum, Motus est actus eius rei, que vim habet, ut mouatur, quatenus eam vim habet. Vulgo, Motus est actus mobilis prout mobile est. Tertiam cap. 3. text. 23. huiusmodi. Motus est actus eius, quod agere, & pati potest, quatenus tale est. Sive, ut quidam profertur. Motus est actus actuum, & passuum, quia actuum, & passuum est. In quibus definitionibus expendoris ea est expositorum varietas, ut nihil fixum de motu quiditatem habeamus. Alij enim, ut Auerroes, Albert, Simplic. apud Conimb. ibi quest. 1. art. 1. non in actione, & passione, sed in earum termino ponunt essentiam motus. Cum tamen communis opinio, quam tenent Conimb. ibid. Soar. disp. 49. Meth. sect. 2. & alijs in via ad talern terminum illam ponant. Quia via secundum quoddam est sola passio. Secundum alios etiam actio. Nec de sunt, qui ab essentia motus passionem, & actionem excludant, contenti sola vniione ad formam productam. Ita enim cenfet Arriag. disp. 12. Phys. sect. 1. & Carlet. disp. 2. Phys. sect. 9. Deinde multi, ut Conimb. quest. 2. & alijs postulant ad quiditatem motus, quod sit successivus. Et inter hos quidam insuper petunt continuatatem; quidam excludunt. Alij nec successionem exigunt; sed motum tum successivum, tum instantaneum adstruunt. Denique plures ad quantitatem, qualitatem, & ubi dumtaxat, cen-

sent, dari motum. Alij ad substantiam itidem, ad aliaque prædicamenta. Quæ opinionum varietas ex non clarè proposta definitione motus, uti deberet, exorta est. Clarè quippe sunt describendi principio termini, quorum suscipitur tractatio. Nec circa terminorum definitiones, quæ principia scientiarum sunt, controvèrtendum, unquam est: quia omnis controversia de definitione de solo nomine, sive de modo loquendi est; in quo non est horrendum.

Quo circa ego, qui ab huiusmodi questione, 68 bus vehementer abhorreo, omittens Aristotelicas definitiones, communique, & trito modo concipiendi, atque loquendis adhærens; moueri id dico vniuersè, quod aliter modò, ac immediate antea, se habet intrinsecè. Atque ita motus in vniuersum appello eum actum quo vnumquodque intrinsecè alteratur, sumpto alterari pro alterius, quam antea, se habere. Notando interim, motum ita vniuersè usurpatum mutationem, etiam vocari. Itaque motus generatim sumptus, sive mutatio est actus, quo alteratur subiectum intrinsecè. Per particulam actus conuenit motus, sive mutatio cum ceteris actibus, quibus subiecta quæque exercuntur quanis ratione, iuxta doctrinam vniuersalem actuum statutam in Pharo Scient. disp. 8. Per particulam alteratur differt motus, sive mutatio ab actibus, quibus ita exercuntur subiecta, vt non aliter, quam antea, se habeant. Per particulam denique intrinsecè differt motus, sive mutatio imprimis ab actibus extrinsecis, & semiestrinsecis, quales sunt actus, quibus ego dicor coexistere Ioanni, assimilari Petro, & quibus Deus dicitur coexistere creaturis, eis dominari, &c. Per hos enim actus, cuius aliter, quam antea, se habeat subiectum extrinsecè, aut semiestrinsecè, non tamen dicitur moueri, neque mutari. Differt etiam, motus sive mutatio per eamdem particulam ab actibus, qui licet immediate tangent subiectum; in ipso tamen non inherent, neque ipsi attribunt, aut detrahunt vel complementum aliquod, quo compleatur in suo esse, vel ipsum esse: nullatenusque propterea subiectum ipsum dicuntur intrinsecè alterare. Tales sunt actus, quibus Deus dicitur producere creaturam, & suspendere conseruationem eius; & actus, quo Verbum diuinum humanitati Christi dominii vnitur. Etsi enim Deus aliquomodo alter, quam antea, se habeat per huiusmodi actus, per eos nihilominus neque mouetur, neque mutatur: quia per eos non alteratur intrinsecè, aut recipiendo complementum sui esse, vel ipsum esse.

Ex datâ autem definitione colligitur, per 69 omnem motum, seu mutationem necessariò transire mobile, seu mutabile ab uno extremo ad aliud; hoc enim ipsum est aliter se habere nunc, ac se habebat antea. Quæ duo extrema termini motus appellantur: alterum terminus ad quo; alterum terminus ad quem. Vnde motus, sive mutatio transitus quidam est subiecti, quod mouetur, sive mutatur, ab uno ad alium terminum; hoc est, à termino ad quo ad terminum ad quem. Quocirca motus respectum dicitur suo conceptru ad utrumque terminum; cum hoc tamen discrimine, quod actus, in quo directè consistit motus, intrinsecè respicit terminum ad quem, atque adeo essentialiter: quia si uante, essentia est actus, quo subiectum exercetur circa talern terminum. Terminum vero à quo extrinsecè; atque adeo accidentaliter respicit: quia pote-

poterat idem actus subsistere, quin terminus à quo praecessisset. Quo fit, vt in conceptu reali motus non possit non terminus à quo intrinsecè involui ex coenotato iuxta doctrinam vniuersalem, denominationum datam in Pharo Scient. disput. 8. & 9. sepeque atibi.

70 secundò colligitur, triplicem imprimis debere distingui mutationem generatim sumptam: actionem felicet, passiuam, & formalem. Mutationa activa est actio, qua agens mutat, sive transire facit subiectum à termino à quo ad terminum ad quem, producendo in eo terminum, ad quem in ea temporis mensurā, qua primo incipit deesse terminus à quo. Mutatione vero passiva est passio, qua subiectum passiuè transit à termino à quo ad terminum ad quem, recipiendo ab agente terminum ad quem in eadē dictā mensurā. Formalis denique mutatio dicenda est vno, qua subiectum informatur termino ad quem. Quod autem etiam per huiusmodi vniuersum subiectum eius propriè dicatur mutari, etiam si passio desit, constat: quia, si Deus produceret in me per creationem aut qualitatem, aut præsentiam localem, vt est possibile, verè moueri, & mutari diceret cira omnem passionem. De facto etiam materia prima mutatur de non-informatā ad informatam per animam rationalem: quam tamen per passionem in se non recipit. In motu item augmentationis, qui iuxta Aristotelem, & omnes propriissimum est, viuens, quod mouetur à minori ad maiorem quantitatē, non est subiectum passiuum illius additamentū, ad quod mouetur, sed tantum vnbile cum illo. Ex quibus patet, motum, seu mutationem non semper cum passione, aut actione identificari reāliter, vt quidam volunt.

71 Tertiò colligitur, motum, seu mutationem penes diversitatem terminorum à quo, & ad quem quadruplicem esse, vel enim mouetur subiectum à positivo in positivum, vt à frigido in calidum. Vel mouetur à positivo in negativo, vt à frigido in non frigidum. Vel à negativo in positivum, vt à non calido in calidum. Vel denique à negativo in negativo, vt à non frigido in non calidum. (Quidquid Aristot. lib. 5. Physic. cap. 1. hoc quarum membrum divisionis absque idonea causa rejecerit).

72 Quarto colligitur, motum, seu mutationem non solum ad quantitatem, qualitatem, & vbi; sed etiam ad alia prædicamenta, quando hæc intrinsecum aliud ex dictis modis appingunt subiecto mobili, seu mutabili. Itaque datus motus ad substantiam, vt ingeneratione, qua mutatur materia prima à non informatā ad informatam substantialiter, sive ab una forma substanciali ad aliam; & in nutritione, qua mutatur viuens à minori ad maiorem substantiali, sumptā substanciali prout, conditignatur à quantitate speciali. Datur etiam motus ad relationem, quando hæc est intrinsecus subiecto, vt est intellectio intellectui, & plerunque vno extremo vnto, amor voluntati, & alij huiusmodi actus, qui relationes quedam, intrinsecæ sunt iuxta doctrinam statutam etiam in Pharo Scient. disput. 14. quæst. 1. Datur etiam motus ad situm, quo pacto situs ab vbi discriminatur, &c.

73 Quintò colligitur, motum ad terminum positiuum quoad directum eius significatum, quod vel actio, vel passio, vel vno est iuxta dicta, semper distingui realiter à termino à quo, ut po-

te qui iam non existit, quando existunt actio, passio, vel vno. A termino vero ad quem, etiam plerunque salem realiter distinguatur de facto; possibile tamen est, vt non distinguatur, quatenus possibile est, vt actio, & passio à suo termino, & vno à suo extremo realiter non distinguantur, sed tantum per rationem. A subiecto tamen, quod mouetur, nequit non distinguimus, etiam quoad dictum directum sui significatum, realiter: quia nequit subiectum per id, quod secum idem realiter est, alter se habere modo, quam antea se habebat realiter. Pariterque est philosophandum, suā seruatā proportione, de motu ad terminum negativum.

Hæc tamen dicta sunt de motu, seu mutatione proprie dicta, qua subiectum idem persistens intra statum existentialē ab uno extremo ad aliud transit successu temporis, acquirendo felicet, aut amittendo aliquid à sua entitate distinctum, sibique inhæsum per passionem, seu receptionem, vel sui completiū per vniōnem, atque ita intrinsecum ibi vno, aut altero titulo, iuxta dicta. Tunc enim subiectum propriè moueri, sive mutari dicitur, quando recipit in se per passionem id, quod immediate ante in se receptum non habebat; aut amittit per negationem passionis id, quod immediate ante habebat receptum in se; vel quando acquirit per vniōnem aliquod complementum sui, quo immediate ante carebat, aut illud per negationem vniōnis habita immediate ante deperdit. Tunc autem id, quod subiecto vnitur, ipsius complementum censetur, quando subiectum suā naturā quid incompletum est, & partiale, ordinatum que ad componendum simul cum altero extremo, cui vnitur, aliquod totum: vt est ordinata materia ad componendum simul cum formā totum existentiale, & quavis pars integralis ad componendum simul cum alterā comparte totum integrale, & quavis integra substantia ad componendum superpositum simul cum substantiā. Defectu cuius incompletions, erbum diuinum, dum hypostaticè fuit vnitum humani, neque alteratum intrinsecè, neque mutatum fuisse dici potuit. Ut bene explicat Cardin. de Lugo tom. de Incarnat. disput. 11. sect. 7. Hæc, inquam, & præcedentia de mutatione sunt dicta propriè. Sic nuncupata.

Datur tamen mutatione inuptè impropriè, aut minus propriè dicta, qua dicitur ens transire de non esse ad esse, cum primū existentiam accipit à suis causis, quam prius tempore non habebat, aut qua dicitur ens transire de esse ad non esse, cum primū per sui corruptionem existere definit, cum primūve existentiam amittit, quam prius tempore habebat. Hic enim transitus ens de non esse ad esse, aut de esse ad non esse, sive de non existente ad existens, aut de existente ad non existens quedam talis ens transmutatio, sive mutatio est.

Addit Gillius lib. 2. de Deo tract. 8. 76 cap. 1. tertiam mutationis acceptiōem impropriissimam, qua creatura producta à Deo ab aeterno eatenus diceretur mutari, eatenus de potentia logica, sive possibiliitate existendi quodammodo ad existentiam ipsam ab aeterno transiret. Hæc tamen mutationis acceptio admittenda non est. Tum quia absque transitu ab uno tempore ad aliud neutiquam dici potest quidpiam mutari iuxta communem vsum. Tum quia transitus à potentia ad actum existendi, cùm sit inter extrema realiter identificata, nullatenus potest

potesit esse realis, sed ut summum rationis; modo autem dumtaxat agimus demutationibus realibus, quibus transitur ab uno extremo ad aliud re ipsa distinctum. Tum denique quia pariter dici poset Deus transire re ipsa a quavis suorum potentiarum ad actum, ut a potentia existendi ad existentiam, a potentia intelligendi ad intellectionem, a potentia amandi ad amorem, &c. atque ita, multifariam re ipsa mutari. Quod est absurdum.

77. Ster itaque omnes motus, seu mutationes ad duo genera renocari. Alterum proprium, quo subiectum existens successu temporis transit ab uno extremo a se realiter distincto ad aliud a se etiam distinctum realiter, qua ratione explicatum est. Alterum minus proprium, quo subiectum successu etiam temporis transit a non-existente ad existens, aut ab existente ad non existens. Omissio autem modo generis motus seu mutationis minus proprio, de altero supersunt adhuc nonnulla ad notanda.

78. Et primum determinandum superest, quinam motus strictus, & quinam non strictus, sed laxus dicendus sit. In quo itidem non est exigua varietas opinionum. Arbitror iuxta communiorum loquendi modum, motum successuum secundum tempus debere dici motum strictum; & laxum motum instantaneum; qui speciali etiam ratione, retento nomine generis, mutatio appellatur. Super quo non est altercandum. Dico autem motum successuum eum, qui ex partibus extensionis temporalis, sive successu fluentibus compositus est, ut motus calefactionis, motus localis, & alij huiusmodi. Instantaneum autem motum nuncupo eum, qui caret partibus extensionis temporalis, ut motus illuminationis, motus generationis hominis, & similes. Tamen omnis motus quantumvis instantaneus non possit non in suo adequato concepiu eam successionem involvere, quam secum fert transitus subiecti mobilis a tempore antecedente, in quo existebat sub termino a quo, ad tempus immediate subsequens, in quo acquirit terminum ad quem.

79. Deinde vero motum generatim acceptum nonnullis alij divisionibus oportet praeterea dividere. Imprimis enim alius est motus indivisibilis physicè, vt pote qui simplex, ex nullisque partibus physicè compositus est. Alius est physicè divisibilis, atque adeò ex aliquibus partibus compositus physicè.

80. Deinde motus divisibilis, sive compositus alius est talis quoad intentionem, cuius partes omnes sunt intra omnes, atque adeò inter se penetrata relate ad tertium, in quo esse dicuntur. Alius est talis quoad extensionem, cuius partes omnes sunt extra omnes, atque adeò nullam penetrationem habent relate ad tertium, in quo esse dicuntur. Quoniam autem tertium, in quo motus dicitur esse triplex est: subiectum; locus, sive spatum locale; & tempus; trifariam motus compositus, atque adeò divisibilis est potest tam quoad intentionem, quam quoad extensionem; subiectiuè videlicet; localiter; & temporaliter. Habebit itaque motus intentionem subiectiuam, quando omnes eius partes sunt simul in eodem subiecto. Habebit localem, quando omnes sunt simul in eodem loco. Habebit denique temporalem, quando omnes sunt simul in eodem tempore. Similiter erit motus extensus subiectiuè, quando omnes partes eius

in totidem sunt distinctis subiectis, seu partibus subiecti. Erit extensus localiter, quando singulae partes eius in singulis partibus sunt spatii localis. Erit denique extensus temporaliiter, quando singulae partes eius totidem partibus temporis correspondent. Et iste dicitur successus; quia omnes partes temporis sunt successus.

Præterea ex omnium horum terminorum mixtione, omni combinatione facta, multe aliae divisiones motus compositi, seu divisibilis resultant. Potest quippe motus esse intensus subiectiuè, & extensus temporaliter; qualis de facto est motus calefactionis eiusdem subiecti. Potest è contra esse extensus subiectiuè, & temporaliter intensus; qualis de facto est motus illuminationis subiecti extensis. Potest est simul extensus localiter, & temporaliter; qualis de facto est motus localis. Ac demum pene omnes reliquias combinationes possibles, saltē supernaturaliter, subire potest; ut apparebit consideranti, & recognoscenti omnes illas penes regulas combinandi, quas dedimus in Pharo Scient. disput. 29.

Denique motus extensus seu subiectiuè, seu localiter, seu temporaliter duplex est. Alius continuus, cuius partes continuatam quamdam seriem componunt absque illa intercapidine, sive interalo similibus partibus vacuo. Alius disertus, cuius partes seriem componunt interruptam aliquo, aut aliquibus internalis vacuis eiusdem motus partibus. Vnde motus extensus continuus alius subiectiuè, alius localiter, alius temporaliter continuus est. Similiterque motus extensis disertus alius subiectiuè, alius localiter, alius temporaliter est disertus. Motus vero quavis ratione intentus continuus semper in suo genere dici potest; quia inter partes intentionis quā tales nulla potest intercapedo similibus partibus vacua interponi.

Postremo motus alij sunt inter se oppositi, alij non item. Oppositi, ut calefactio, & frigatio; latio sursum, & deorsum; accretio, & diminutio; & similes. Non oppositi ut latio, & calefactio; accretio, & frigefactio; calefactio, & dealbatio; & alij huiusmodi. Tum alij sunt motus directi, qui a motore directe rendunt, ut illuminatio à luminoso, latio pilæ à projectante. Alij sunt motus reflexi, qui ab obstante reflectuntur, ut illuminatio ab speculo, latio pilæ à pariete obstante. Demum motus alij inter se connexi, alij non connexi esse possunt. Aliasque aliorum entium divisiones possunt subire. Ut consideranti erit notum.

Iam subiectum aliud per se, aliud per accidens moueri dicitur. Moueri dicitur per se, quod est proprium subiectum motus, & ex directa sive primaria motoris intentione mouetur. Sic Petrus motu progressivo per se mouetur ad locum, quo intendit accedere. Per accidens vero moueri dicitur, quod non est proprium subiectum motus, sed aliquid, quod ad illud aliquam habet habitudinem, ob idque extrinsecè a motu ipsius subiecti denominatur motum. Vel, si est proprium subiectum motus, præter intentionem tamen directam motoris mouetur. Hoc secundo modo mouetur per accidens vestis Petri, calor, aut frigus eius, aliaque huiusmodi accidentia; cum Petrus ad destinatum locum per se mouetur. Vestis enim, & accidentia Petri

Petri propriis motibus mouentur in tali casu iuxta dicenda infra quæst. 7. sed præter intentionem Petri directam. Quo eriam pacto impulsus per se impellens currum, aut nauem per accidens mouere dicitur ea, que sunt intra currum, aut intra nauem; à quo subinde currus, & nauis per se, quæ verò in eis continentur, per accidens moueri dicuntur. Primo autem illo modo dicitur moueri per accidens motu calefactionis musicus, cum calefit Petrus, qui est musicus. Musica enim Petri, siue Petrus reduplicatiuē ut musicus nullius motus calefactionis subiectum est; per denominationem tamen extrinsecam à calefactione defumptam, cuius subiecti musica est accidens, moueri seu calefieri musicus dicitur. Hac etiam ratione dicitur Petrus sanari, quando digitus pars eius sanatur, quod est extrinsecè denominari eum motum à motu sui digiti. Pariterque insimilibus.

85 His ita haec tenus stabilitis, atque suppositis, iam facile est dijudicare, quid sit, & quotuplex motus localis, qui motus etiam latitatis, seu latio dicitur, prout nobis erat propositum in præsenti quæst. Est quippe, ut ex definitione motus in genere data colligitur, actus quo alteratur subiectum quoad presentiam localem. Quæ definitio eamdem, atque illa, subit explicationem, suā proportione seruat.

86 Motus autem localis ita vniuersaliter sumptus eadem patitur divisiones, quas motus in genere iam expositas, quasque subinde uniusquisque poterit illi applicare, ne actum agamus. Hoc unum aduerto, nomine motus localis ut plurimum enim dumtaxat venire vulgo intelligendum, quo circa miraculum videmus corpora moueri. Hic aurem semper est motus extensus, & continuus localiter; tum semper, saltem sensibiliter, est etiam extensus, atque continuus temporaliter; tum semper est à positiuo in positivum. Quo circa id solum dici vulgo solet moueri localiter, quod per præsentia mutationem ex uno loco transit ad alium, amittendo præsentiam in priori, & acquirendo præsentiam in posteriori. Hoc tamen non tollit, id etiam dictum iri localiter motum iuxta definitionem datum, quod, non amissa priori præsentia diuinitus in alio loco acquirere alteram: transiret namque à non præsente ad præsens in eo loco. Tum quod, nullà præsentia acquisita, quam alicubi habebat amitteret: transiret enim à præsente ad non præsens in eo loco. Tum cetera huiusmodi, quæ definitio data complectitur. Quanquam enim non omnes species motus localis in ea contenta vnu veniant in corporibus connaturaliter, in spiritibus tamen fortasse vnu veniunt iuxta dicenda postea, diuinitusque sunt forsan possibles; & ideo vna debent, prout scientia postulat, definitione comprehendendi. Ceterum, vt & vulgari apprehensioni morem geramus, speciali definitione adiecta de motu connaturali rerum dicamus insuper. Motus localis est transitus ex uno loco ad alium per amissionem præsentia in uno, & acquisitionem in alio.

87 Potest præterea motus localis diuidi in descriptuum, circumscriptuum, & contrarium; insuperque in alia membra subdividi penes diversitatem præsentiarum, quæ adquiruntur, aut amittuntur per illum quæstione præcedente traditam.

88 Diuiditur insuper motus localis in rectum, flexuofum, spiralem, & circularem iuxta diuer-

fas lineas spatij localis, quas mobile suo motu potest describere. Atque hæc modò satis. Alia enim in sequentibus attingam.

QUÆSTIO VI.

Quænam propositiones evidentes, aut alias certæ seu per se note, seu demonstrata ex terminis huius disputationis in superioribus expositis elicantur collatis inter se, tum cum alijs expositis in Pharo Scient.

Prosequens methodum, quam cœpi in Pharo 89 Scient. in singulis disputationibus metaphysicis huius Operis, (quemadmodum & in singulis illius præstiti), quætionem proponam congerentem propositiones aliquot evidentes seu per se notas, seu demonstratas (vñā cum certis secundum fidem, si quæ occurrerint) compostas ex terminis vniuersiisque disputationis collatis tum inter se, tum cum alijs expositis aut in disputationibus anterioribus, aut in Pharo Scient. Arbitror enim, laborem hunc & gratum, & utilem fore scientificis, vrope præbentem eis aliquam normam demonstrandi, siue scientiam demonstratiuam texendi in Metaphysicis similem illi, quæ obseruantur in Mathematicis; aliquodque initium, vnde inchoantes Metaphysicam demonstratiuam possint componere, & in dies paulatim augere; vti Mathematicæ demonstratiuæ principiò inchoatae, deinceps paulatim composta, & in dies aucta sunt. Quod sane maximi momenti, eximisque emolumenti fore omnibus scientijs humanis, quæ vni Metaphysicæ vniuersaliori, seu Prima Philosophia sub alternantur, haud dubitabile est. Igitur illius est generis quæstio præsens. Cui respondetur, propositiones, quas inquit, sequentes esse.

Propositio 1.

Locus omnino est immobilis motu locali. 90

Ita supponunt vnanimiter omnes Philosophi. Nam alioquin posset locatum localiter prorsus immotum mutare locum; aut, non mutando locum, moueri localiter. Quod virumque est absurdum. Cum idem ipsum sit locum mutare, & moueri localiter. Sumimus namque hic, sicut & in sequentibus propositionibus, motum localem pro transitu ex uno loco ad alium per amissionem præsentia in uno, & acquisitionem in alio.

Propositio 2.

Vocatione, seu præsentia localis immobiles etiam est localiter ab eo spatio locali, cui per se correspontet.

Hoc itidem omnes Philosophi vnanimi consensu fatentur, quocunque demum illud sit, in quo consistere, dicunt, præsentiam localem. Quoniam præsentia localis, in quoconque eadetur consistere, ita in spatio locali, seu potius in gradu locali, cui per se correspontet, suapte esse.